

Te Tai Tokerau Investment Plan 2023



Kia tioro ngā reo o Te Tai Tokerau huri horapa i Te Tai Tokerau

ki ngā maunga, ki ngā awa, ki ngā kokonga katoa!

NGĀ WAWATA

- Kia whakapakari, kia whakaū i ngā reo o Te Tai Tokerau me ōna motuhaketanga kia kāinga ai te tatangi me te rere.
- Te whakatupu i ngā wāhi kōrero Māori kia ū.
- Kia māori ai te tuku ihotanga o ngā reo tūturu o Te Tai Tokerau, reanga atu, reanga mai.

TE PAEROA - ME PĒHEA E TUTUKI AI

- Te rangahau me te waihanga rauemi e hāngai pū ki ngā reo o Te Tai Tokerau.
- Kia matarau ngā kaupapa reo e whaipānga ai ngā uri katoa o Te Tai Tokerau.
- Kia whai reo te hunga kore reo, kia pakari ake te hunga whai reo, kia manawapātia te hunga i takea mai i roto i te reo.
- Te whakakotahi i ngā kaupapa mō te whaikōrero me te karanga kia kōkiritia ngātahitia e Te Tai Tokerau, kia kounga, kia rite tahi, kia ora tonu.
- Te whakamatua i ngā kaupapa reo e aronui ana ki te reo o te kāinga, ki roto ki ngā whānau.

NGĀ HUA

- Ka rahi ake ngā mahi rangahau me ngā rauemi hāngai pū ki ngā reo o Te Tai Tokerau.
- Ka kaha ake te hono i waengarahi i tēnā me tēnā puta noa i te rohe.
- Ka matarau ake ngā korikori me ngā nekeneke mō te reo puta noa i te rohe.
- Ka nui ake ngā wāhi kōrero Māori e rere nei ko ngā reo o Te Tai Tokerau hei reo matua.
- Ka tupu mai he reanga kōrero Māori, ko ngā reo o Te Tai Tokerau ōna reo matua.